

醫
統
正
脈
全
書

二八



注解傷寒論卷六

江陰朱氏校刊本

漢張仲景述 王叔和撰次 成無已注解

辨太陰病脈證并治法第十

太陰之爲病腹滿而吐食不下自利益甚時腹自痛若

下之必胃下結鞭

太陰爲病陽邪轉裏也太陰之脈布胃中邪氣壅而爲腹滿上不得降者

嘔吐而食不下下不得上者自利益甚時腹自痛陰寒在內而爲腹痛者則爲常痛此陽邪干裏雖痛而亦不常痛但時時腹自痛也若下之則陰邪留於胃太陰中下爲結鞭經曰病發於陰而反下之因作痞

風四肢煩疼陽微陰澁而長者爲欲愈

太陰脾也主營四末太陰中風

四肢煩疼者風淫末疾也表邪少則微裏向和則澁而長長者陽也陰病見陽脈則生以陰得陽則解故云欲

愈

太陰病欲解時從亥至丑上

脾為陰土王於丑亥子向王故為解時

陰病脈浮者可發汗宜桂枝湯

經曰浮為在表沉為在裏太陰病脈浮者邪在

經也故當汗解之

自利不渴者屬太陰以其藏有寒故也當溫

之宜服四逆輩

自利而渴者屬少陰為寒在下焦自利不渴者屬太陰為寒在中焦與四逆等

湯以溫其藏

傷寒脈浮而緩手足自溫者繫在太陰太陰當

發身黃若小便自利者不能發黃至七八日雖暴煩下

利日十餘行必自止以脾家實腐穢當去故也

太陰病至七八

日大便秘者為太陰入府傳於陽明也今至七八日暴煩下利十餘行者脾家實腐穢去也下利煩躁者死此以脾氣和逐邪下泄故雖暴煩

本太陽病醫反下之因



爾腹滿時痛者屬太陰也桂枝加芍藥湯主之

表邪未罷醫下

之邪因乘虛傳於太陰裏氣不和故腹滿時痛與桂枝湯以解表加芍藥以和裏

大實痛者桂

枝加大黃湯主之

大實大滿自可徐下之故加大黃以下大實

太陰為病脈

弱其人續自便利設當行大黃芍藥者宜減之以其人

胃氣弱易動故也

腹滿痛者太陰病也脈弱其人續自便利則邪雖在裏未成大實欲與大

黃芍藥攻滿痛者宜少與之以胃氣尚弱易為動利也

辨少陰病脈證并治法第十一

少陰之為病脈微細但欲寢也

少陰為病脈微細為邪氣傳裏深也衛氣行於

陽則寢行於陰則寐邪傳少陰則氣行於陰而不行於陽故但欲寐

少陰病欲吐不吐心

煩但欲寐五六日自利而渴者屬少陰也虛故引水自
救若小便色白者少陰病形悉具小便白者以下焦虛

有寒不能制水故令色白也

欲吐不吐心煩者表邪傳裏也若腹滿痛則屬太陰

此但欲寐則知屬少陰五六日邪傳少陰之時自利不
渴者寒在中焦屬太陰此自利而渴為寒在下焦屬少
陰腎虛水燥渴欲引水自救下焦虛寒不能制水小便
色白也經曰下利欲飲水者以有熱故也此下利雖渴
然以小便色白明病人脈陰陽俱緊反汗出者亡陽也
非裏熱不可不察

此屬少陰法當咽痛而復吐利

脈陰陽俱緊為少陰傷寒法當無汗反汗出者

陽虛不固也故云亡陽以無陽陰獨是屬少陰內經曰邪客少陰之絡令人隘痛不可內食少陰寒甚是當咽痛而復吐利
少陰病欬而下利譌語者被火氣劫故也小便

必難以強責少陰汗也以火劫強責少陰汗者津液內

竭加火氣煩之故少陰病脈細沉數病為在裏不可發

汗少陰病始得之反發熱脈沉者為邪在經可與麻黃

不可發汗少陰病脈微不可發汗亡陽故也陽已虛尺脈弱

濇者復不可下之脈微為亡陽表虛不可發汗少陰

病脈緊至七八日自下利脈暴微手足反溫脈緊反去

者為欲解也雖煩下利必自愈少陰病脈緊者寒甚也

之時自下利脈暴微者寒氣得泄也若陰寒勝正陽虛

而泄者則手足厥而脈緊不去今手足反溫脈緊反去

知陽氣復寒氣去故為欲解下利煩躁少陰病下利若



利自止惡寒而踰卧手足温者可治

少陰病下利惡寒踰卧寒極而陰勝

也利自止手足温者裏和陽氣得復故為可治

少陰病惡寒而踰時自煩欲去

衣被者可治

惡寒而踰陰寒甚也時時自煩欲去衣被為陽氣得復故云可治

少陰中

風脈陽微陰浮者為欲愈

少陰中風陽脈當浮而陽脈微者表邪緩也陰脈當沉而

陰脈浮者裏氣和也陽中有陰陰中有陽陰陽調和故為欲愈

少陰病欲解時從子至

寅上

陽生於子子為一陽丑為二陽寅為三陽少陰解於此者陰得陽則解也

少陰病吐利

手足不逆冷反發熱者不死脈不至者灸少陰七壯

經曰

少陰病吐利躁煩四逆者死吐利手足不厥冷者則陽氣不衰雖反發熱不死脈不至者吐利暴虛也灸少陰

七壯以通其脈

少陰病八九日一身手足盡熱者以熱在膀胱



必便血也

勝胱太陽也少陰太陽為表裏少陰病至八九日寒邪變熱復傳太陽太陽為諸陽主氣

熱在太陽故一身手足盡熱太陽經多血少氣為熱所乘則血散下行必便血也

少陰病但厥

無汗而強發之必動其血未知從何道出或從口鼻或

從目出是名下厥上竭為難治

但厥無汗熱行於裏也而強發汗虛其經絡熱

乘經虛迫血妄行從虛而出或從口鼻或從目出諸厥者皆屬於下但厥為下厥血溢於上為上竭傷氣損血

邪甚正虛故為難治

少陰病惡寒身踈而利手足逆冷者不治

針經

日多熱者易已多寒者難已此內外寒極純陰無陽故云不治

少陰病吐利躁煩四逆

者死

吐利者寒甚於裏四逆者寒甚於表躁煩則陽氣欲絕是知死矣

少陰病下利止

而頭眩時時自冒者死

下利止則水穀竭眩冒則陽氣脫故死

少陰病四



逆惡寒而身踈脈不至不煩而躁者死

四逆惡寒而身踈則寒甚脈不至

至則真氣絕煩熱也躁亂也若憤躁之躁從煩至躁為熱來有漸則猶可不煩而躁是氣欲脫而爭也譬猶燈

將滅而暴明其能久乎

少陰病六七日息高者死

腎為生氣之源呼吸之門少陰

病六七日不愈而息高者生氣斷絕也

少陰病脈微細沉但欲卧汗出不

煩自欲吐至五六日自利復煩躁不得卧寐者死

陰氣方盛

至五六日傳經盡陽氣得復則愈反更自利煩躁不得卧寐則正氣弱陽不能復病勝藏故死

少陰病

始得之反發熱脈沉者麻黃附子細辛湯主之

少陰病當無熱

惡寒反發熱者邪在表也雖脈沉以始得則邪氣未深亦當溫劑發汗以散之

麻黃附子細辛湯方



麻黃二兩去節甘熱 細辛二兩辛熱 附子一枚炮去皮破八片辛熱
內經曰寒淫於內治以甘熱佐以苦辛以辛潤之麻黃之甘以解少陰之寒細辛附子之辛以溫少陰之經

右三味以水一斗先煮麻黃減二升去上沫內諸藥煮取三升去滓溫服一升日三服

少陰病得之二三日麻黃附子甘草湯微發汗以二三日無證故微發汗也
二三日邪未深也既無吐利厥逆諸裏證則可與麻黃附子甘草湯微汗以散之

麻黃附子甘草湯方

傷寒論
卷六
五
麻黃

二兩
去節

甘草

二兩
炙

附子

一枚
炮
去皮

麻黃甘草之甘以散表
寒附子之辛以溫經氣

右三味以水七升先煮麻黃一兩沸去上沫內諸藥

煮取三升去滓溫服一升日三服

少陰病得之二三日以上心中煩不得卧黃連阿膠湯

主之

脈經曰風傷陽寒傷陰少陰受病則得之於寒二
三日已上寒極變熱之時熱煩於內心中煩不得

卧也與黃連阿
膠湯扶陰散熱

黃連阿膠湯方

黃連

四兩
苦寒

黃芩

一兩
苦寒

芍藥

二兩
酸平

雞子黃

二枚
甘溫

阿膠

三兩
甘溫

陽有餘以苦除之黃芩黃連之苦以除熱陰不足以
甘補之雞黃阿膠之甘以補血酸收也泄也芍藥之
酸收陰氣而泄邪熱

右五味以水五升先煮三物取二升去滓內膠烮盡

小冷內雞子黃攪令相得溫服七合日三服

少陰病得之一二日口中和其背惡寒者當灸之附子

湯主之

少陰客熱則口燥舌乾而渴口中和者不苦不
燥是無熱也背為陽背惡寒者陽氣弱陰氣勝
也經曰無熱惡寒者發於陰也灸
之助陽消陰與附子湯溫經散寒

附子湯方

附子 二枚炮破八片去皮辛熱 茯苓 三兩 人參 二兩

白朮 四兩 芍藥 三兩

辛以散之附子之辛以散寒甘以緩之茯苓人參白朮之甘以補陽酸以收之芍藥之酸以扶陰所以然者偏陰偏陽則為病火欲實水當平之不欲偏勝也

右五味以水八升煮取三升去滓溫服一升日三服

少陰病身體痛手足寒骨節痛脈沉者附子湯主之

腎水而主骨節身體疼痛支冷脈沉者寒勝於陰也身疼骨痛若脈浮手足熱則可發汗此手足寒脈沉故當與附子湯溫經少陰病下利便膿血者桃花湯主之

協熱也少陰病下利便膿血者下焦不約而裏寒也與桃花湯固下散寒



桃花湯方

赤石脂

一斤一半全用乾薑一兩粳米一升

瀉可去脫赤石脂瀉以固腸胃辛以散之乾薑之辛以散裏寒粳米之甘以補正氣

右三味以水七升煮米令熟去滓溫服七合內赤石

脂末方寸七日三服若一服愈餘勿服

少陰病二三日至四五日腹痛小便不利下利不止便

膿血者桃花湯主之

二三日至四五日寒邪入裏深也腹痛者裏寒也小便不利者水

穀不別也下利不止便膿血者腸胃虛弱下焦不固也與桃花湯固腸止利

少陰病下利便

膿血者可刺

下焦血氣留聚腐化則爲膿血刺之以利下焦宣通血氣

少陰病吐利

手足厥冷煩躁欲死者吳茱萸湯主之

吐利手足厥冷則陰寒氣甚煩

躁欲死者陽氣內爭與吳茱萸湯助陽散寒

少陰病下利咽痛胃滿心煩者

豬膚湯主之

少陰之脈從腎上貫肝膈入肺中循喉嚨其支別者從肺出絡心主胃中邪自陽經

傳於少陰陰虛客熱下利咽痛胃滿心煩也與豬膚湯調陰散熱

豬膚湯方

豬膚

一斤味甘寒

豬水畜也其氣先入腎少陰客熱是以豬膚解之加白蜜以潤燥除煩白粉以益氣斷利

右一味以水一斗煮取五升去滓加白蜜一升白粉

五合熬香和令相得溫分六服

少陰病二三日咽痛者可與甘草湯不差者與桔梗湯
陽邪傳於太陰邪熱爲咽痛服甘草湯則差若寒熱相搏爲咽痛者服甘草湯若不差與桔梗湯以和少陰之氣

甘草湯方

甘草
二兩

右一味以水三升煮取一升半去滓溫服七合日二

服

桔梗湯方

桔梗
一兩味辛
甘微溫

甘草
二兩味
甘平

桔梗辛溫以散寒甘草甘平
以除熱甘桔相合以調寒熱

右二味以水三升煮取一升去滓分溫再服

少陰病咽中傷生瘡不能語言聲不出者苦酒湯主之

熱傷於絡則經絡乾燥使咽中傷生瘡不能
言語聲不出者與苦酒湯以解絡熱愈咽瘡

苦酒湯方

半夏

洗破如棗核大
十四枚辛溫

雞子

一枚去黃內上苦酒著
雞子殼中甘微寒

辛以散之半夏之辛以發音聲甘以緩之雞子
之甘以緩咽痛酸以收之苦酒之酸以斂咽瘡

右二味內半夏著苦酒中以雞子殼置刀環中安火

上令三沸去滓少少含嚥之不差更作三劑

